



ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
ԱՐԱՔԿԻՐ ՆՍՏԱՎԱՅՐ

(ՀՀ, համայնք ԵՐԵՎԱՆ, ՔԱՂԱՔԵՌ-ՉԵՅԹՈՒՆ, ՀՐ. ՆԵՐՍԻՍՅԱՆ Փ., մասնաշենք 10)



ՈՐՈՇՈՒՄ

Հայցադիմումը վարույթ ընդունելու և գործը պարզեցված վարույթի կարգով
քննելու մասին

ԵԴ2/1428/02/24
14 Մարտի 2024թ

ք. Երևան

Հայաստանի Հանրապետության Երևան քաղաքի առաջին ատյանի ընդհանուր
իրավասության քաղաքացիական դատարանի դատավոր Ա. Դուռնամայանը, քննարկելով
«Գառնի-Լեռ» գիտաարտադրական միավորում ԲԲ ընկերության ընդդեմ ՍՊ
ընկերության՝ գումար բռնագանձելու պահանջի մասին, հայցադիմումը վարույթ
ընդունելու և գործը պարզեցված վարույթի կարգով քննելու հարցերը,

ՊԱՐԶԵՑ

հայցվորի ներկայացուցիչը Էլեկտրոնային եղանակով 28.02.2024թ.-ին հայցադիմում է
ներկայացրել Երևան քաղաքի առաջին ատյանի ընդհանուր իրավասության
քաղաքացիական դատարան (այսուհետ՝ Դատարան) ընդդեմ ՍՊ
ընկերության՝ գումար բռնագանձելու պահանջի մասին:

Ներկայացված հայցադիմումը 29.02.2024 թվականին մակագրվել է դատավոր Ա.
Դուռնամայանին:

Դատավորի աշխատակազմը 2024 թվականի մարտի 11-ին կապ է հաստատել հայցվորի
ներկայացուցչի հետ և հայտնել հայցադիմումում առկա թերությունների մասին,
մասնավորապես՝ հայցվոր ընկերության տնօրենի անձը և նրա կարգավիճակը
հաստատող փաստաթղթերի ներկայացված չլինելու վերաբերյալ:

Հայցվորի ներկայացուցիչը 13.03.2024 թվականին Էլեկտրոնային համակարգի միջոցով
ներկայացրել է միջնորդություն, որին կից ներկայացվել են վերոնշյալ փաստաթղթերի
սկանավորված տարբերակները:

I. Ուսումնասիրելով հայցադիմումը և դրան կից փաստաթղթերը՝ Դատարանը կարծում է, որ հայցադիմումը ներկայացվել է ՀՀ քաղաքացիական դատավարության օրենսգրքով նախատեսված պահանջների պահպանմամբ և առկա չեն նույն օրենսգրքի 126-րդ և 127-րդ հոդվածներով սահմանված հայցադիմումի ընդունումը մերժելու կամ այն վերադարձնելու հիմքերը, ինչպիսի պայմաններում ներկայացված հայցադիմումը պետք է ընդունել վարույթ:

II. Միևնույն ժամանակ, հիմք ընդունելով այն, որ Դատարան ներկայացված գումարի բռնագանձման պահանջը չի գերազանցում նվազագույն աշխատավարձի հինգհազարապատիկը, ինչպես նաև այն, որ բացակայում են ՀՀ քաղաքացիական դատավարության օրենսգրքի 297-րդ հոդվածի 4-րդ մասով սահմանված գործը պարզեցված վարույթի կարգով չքննելու հիմքերը, Դատարանը կարծում է, որ սույն քաղաքացիական գործը ենթակա է քննության պարզեցված վարույթի կարգով:

III. Դատարանը, ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 5-րդ, 10-րդ, 124-րդ, 128-131-րդ և 296-300-րդ հոդվածներով,

ՈՐՈՇԵՑ

1. «Գառնի-Լեռ» գիտաարտադրական միավորում ԲԲ ընկերության հայցն ընդդեմ ՍԻԷԼՋԻՍ ՍՊ ընկերության՝ գումար բռնագանձելու պահանջի մասին, ընդունել վարույթ:
2. Գործը քննել պարզեցված վարույթի կարգով:
3. Եզրափակիչ դատական ակտը հրապարակել 2024 թվականի հունիսի 14-ին՝ ՀՀ դատական իշխանության պաշտոնական կայքի միջոցով:
4. Որոշման հետ մեկտեղ գործին մասնակցող անձանց ուղարկել գրավոր պարզաբանում՝ Դատարանի որոշումը ստանալուց հետո կատարման ենթակա գործողությունների, դրանց կատարման ժամկետների և չկատարելու հետևանքների մասին:
5. Որոշումը օրինական ուժի մեջ է մտնում կայացման պահից և ենթակա չէ բողոքարկման:

Դատավոր՝ Ազատ Դունամայան

Տվյալ ֆայլերին կարող եք ծանոթանալ նաև մուտք գործելով "Էլեկտրոնային դատավարություն" համակարգ՝ cabinet.armlex.am